

求恕齋  
叢書

雪橋詩話餘集

三

I207.  
443.

卷之三

詩歌賦

詩歌賦

雪橋詩話餘集卷第三

遼陽楊鍾羲撰集

吳興祚承幹參校

順治十年博爾濟吉特后降靜妃下廷議孔祠部允樾奏言伏見馮銓等奉聖諭有故廢無能之人語竊思天子一言一動萬世共仰況我皇后正位三年未聞頤育失德特以無能二字定廢嫡之案何以服皇后之心何以服天下後世之心御史宗敦一等亦合詞乞回成命世祖斥其沽名而后竟廢冊  孝惠章皇后爲妃未幾立爲后時孝獻皇后棟鄂氏方爲貴妃寵冠後宮

孝惠無寵又不如妃善事皇太后會太后病孝惠遣使  
詢候不時至 世祖諭禮部停中宮箋奏旋以太后命  
復舊不令朝慈甯宮者久之康熙紀元尊爲皇太后奉  
侍盡禮五十六年病 聖祖方患足以帕束踵乘輶輿  
至宮問安其以孝治天下如此十二月崩湯西厓詩女  
中堯舜失宣仁聖主居廬孝理新又云十行遺詔冰霜  
日三獻哀詞侍從臣除夕前一日作也謹案 太祖后  
孝慈葉赫納喇氏 太宗后孝端博爾濟吉特氏 孝莊博爾濟吉特氏 世  
祖廢后博爾濟吉特氏 孝惠博爾濟吉特氏 孝康佟佳氏 聖祖后孝誠  
赫舍烏雅 孝懿佟佳氏 孝恭烏雅 世宗后孝敬納喇氏

氏

孝聖

鉢祿氏

高宗后

孝賢

富察氏

孝儀

魏佳氏

仁宗后

孝淑

喜塔臘氏

孝和

鉢祿氏

宣宗后

孝穆

鉢祿氏

孝慎

佟佳氏

孝

佳氏

全

鉢祿氏

文宗后

孝德

薩克達氏

孝貞

鉢祿氏

孝欽

葉赫那拉氏

其無謚號者

穆宗后

孝哲

阿魯特氏

德宗后

孝定

葉赫那拉氏

高宗后

納喇氏

始以側妃事

高宗潛邸

乾隆十年

進貴妃

孝賢崩

攝六宮事

十五年冊立爲皇后三十

一年薨喪

儀照皇貴妃

行四十三年

錦縣生員金從善

上書首

涉及后事

高宗諭曰

那拉氏自行翦髮

國俗

所最忌

朕曲予優容

但令減其儀文

並未削其位號

仁

至義盡復何所罪而欲朕下罪已之詔乎

於是有所司奏

當從善大辟遂無復以后爲言者其追謚者 太祖大  
妃烏喇納喇氏生睿忠親王 太祖崩殉焉順治七年  
上謚孝烈恭敏獻哲仁和贊天儻聖武皇后祔享太廟  
頒詔大赦八年追論睿邸罪妃亦罷封撤廟享停恩赦  
宣宗皇貴妃博爾濟吉特氏生恭忠親王 文宗卽  
位尊爲康慈皇貴太妃咸豐五年尊爲康慈皇太后是  
年崩仍以妃禮葬慕陵園寢但崇其名曰慕東陵主配  
食奉先殿 穆宗踐阼改謚曰孝靜成皇后升祔太廟  
時恭邸輔政所以聿晉徽稱媲隆三后者以 兩宮稱  
制與睿邸之推崇所生者異矣

孝莊文皇后以康熙二十六年十二月崩年七十有五  
臨危時語 聖祖云昭陵歲久不可啟我千秋萬歲後  
魂魄戀汝父子踰年營葬昌瑞山近孝陵以便歲時奠  
獻焉戊辰升祔禮成仁和王嗣槐嘗獻孝德廣運頌徐  
乾學 大行太皇太后輓詞云鷺輅丹旒結龍輶縞駟  
齊愁雲扶海旭淚雨合春泥萬樹槐風裏千門柳萋西  
傾宮車輦出隱隱鳳城隄祖奠辭宮闕從官立堵牆天  
顏渝眸穆玉趾踐冰霜御輅杯初酌銅街淚萬行孝思  
宜備記勉矣起居郎金輿來洽渭寶歷定岐豐地表曾  
沙慶天資鍊石功絲綸三殿發哀慕萬方同乍覩春暉

麗寥寥長信宮共儉先臣庶全勝馬鄧名痖瘞勞夙夜  
燕翼起昇平縞素紛同軌風雲馭太清兩朝尊養備猶  
未慰皇情寶鏡塵雕几珠襦黯總帷一辭天下養長憶  
萬年悲素柰簪成撤朱櫻薦及期他時採甘露應向寢  
園枝黃屋猶廬次重華孺慕同青蒲陳自切素帯痛無  
窮空復勞愚慮無緣慰聖衷徒慙李百藥獻誄太安宮  
聖祖孝誠孝昭兩后相繼崩中宮久虛二十八年七月  
冊立孝懿皇后時已遘疾瀕危翊日崩聖祖親製輓  
詩四章高宗孝賢皇后崩帝追思不已感逝抒情  
時見篇章有述悲賦

孝莊山陵諸大臣謂慈甯作嬪 文皇禮宜合葬 聖祖仰遵末命卜宅兆于 孝陵之陽曰昭西陵嗣是

孝惠章皇后葬孝東陵 孝聖憲皇后葬泰東陵 孝

和睿皇后葬昌西陵 孝貞顯皇后 孝欽顯皇后均

葬定東陵徐健庵嘗備考古來帝后不合葬之事有古不合葬考一篇略云古之所以不合葬者宅兆安厝形體既藏反虞升祔迎精氣以聚于廟中祭則鋪筵設同几以形體降而精氣升形體分而精氣合也故古亦無墓祭之禮周官冢人掌公墓之地辨其兆域而爲之圖先王之葬居中以昭穆爲左右凡諸侯居左右以前卿

大夫居後各以其族墓大夫掌凡邦墓之域爲之圖令  
國民族葬而掌其禁令蓋葬之有昭穆子孫之祔葬者  
皆在兆域之中則言先王而后自不得異兆域矣其同  
穴否未可知也宋咸平中議改卜李皇后園陵命使接  
行陵地議立陵名禮官言周顯德末都省集議故事帝  
后同陵謂之合葬同塋謂之祔葬漢呂后陵在長陵西  
百餘步以同塋兆而無名號又唐穆宗二后王氏生恭  
宗蕭氏生文宗並祔葬完陵之側今園陵鵲臺在永熙  
陵封地之內恐不須別建陵號從之顯德禮官之議分  
祔葬合葬不知何所本要可謂達于禮意漢世皇后別

起陵墓間同塋域則不別立陵號而未有同塋壙者隋文帝亦與獨孤后同墓異穴也嚴善思之言尊者先葬卑者不得入以卑動尊術家所忌其說雖未見經傳然以昭陵之先後言之則是皇后之喪在先幽宮重關外留棧道以待後日者有之矣若攻鑿治銅啟入後喪誠乖神道矣且天子以天下爲家魏孝文旣不合祔文明太后于雲中山陵始于永固陵北自營壽宮有終焉瞻望之志及遷洛陽乃表瀍西以爲山陵之所而方山虛宮號曰萬年堂蓋山陵自當從其所遷之都也宋元豐前帝后異宮酌獻諸后或以上仙在山陵之前無可祔

而別葬或在山陵已卜之後而從葬或以神靈既妥而不遷祔或以典禮未備而改殯大抵以顯德禮官之論考之皆是祔而不合同塋域而不同塙壙也原周禮所以聚族而葬者國有分土山川形勢有定在井疆已授不欲分更故公叔文子欲葬瑕丘而蘧伯玉譏之注言刺其欲害人良田也後世則以術家選擇論風氣聚散水土淺深穴道向背難得佳地祔于先兆則不須覆案亦以省財費息人力非以分異爲不可也若夫祖宗之精氣則以聚于廟中爲合而在形體之同塙壙爲合明矣其論甚核 孝莊末命自協事體之宜 國初故

事后妃諸王貝勒福金貝子公夫人皆有命婦更番隨侍自

后始罷宮中遵祖制不畜漢女性知書

世祖

稟母訓述內則衍義 聖祖命儒臣翻譯大學衍義進

后善之頒賜有差嘗言人君遇有灾異固當益加修

省亦在平時用人行政敬承天意耳 聖祖命起居注

書之以爲克謹天戒之要皆形史所嘗紀述者也

時有三媼

請殉特旨不許李文定詩追隨  
西母瑤池會罷殉恩給感睿慈

郭快庵贈寶靜庵檢討句云官是條冰君自耐捧盈執

玉問前賢靜庵嘗侍直南齋 聖祖命作楷書書學宗

孔孟治法堯舜而其要在慎獨以進與耿逸庵湯潛庵

講學廉慎自持無敢干以私彭無山以劾李安溪謫河  
干爲賦孤鴻海外來一章祖於道陳榕門嘗以孫夏峰  
與潛庵逸庵靜庵及張敬庵冉蟬庵張起庵李禮山爲  
中州理學八先生增祀許州七子祠

吳江吳柳塘祖修從其尊人松巖先生官江右胡悅之  
陳伯璣周伯衡過從論詩側聞繕言汪鈍翁與言詩法  
教以古人爲詩未嘗妄作雖極瑣屑題皆有感託質之  
朱愚庵愚庵曰吾聞之錢宗伯之論良然周文學龍藻  
陳進士蓑皆其高第弟子示漢荀玉文作云眼處生心  
自一奇遺山此語古今師承王閣句黃樓賦不到登臨

妙不知張匠門本此意以序其詩嘗一遊長安有聖德  
詩云百氏秦燔古制更漢文有道視還輕欲終喪禮  
君王聖無數廷臣上殿爭時 孝莊文皇后大事 聖  
祖哀慕辯踊割辯衣服不用帛欲於宮中行三年喪羣  
臣集議以爲天子一身爲宗廟社稷所託祭爲吉禮必  
除服舉行不可以 太皇太后故神靈不歆且君臣兆  
庶一體若 皇上持服宮中臣民卽吉甚不可 帝不  
允其後太學生劉枝桂五百餘人又固請循古制以日  
易月裕王福全恭王常穎亦以爲言 帝不得已始從  
之自戊辰迄癸酉萬壽未受慶賀柳塘詩紀其事也

滿洲剛乾初太史精滿漢書法嘗招吳柳塘煮餅論詩  
深自謙退柳塘爲舉薩都刺勉之贈以詩云招要相過  
意歡然家近城南尺五天餅坼何曾成十字詩驚李白  
捷千篇龍蛇跡揭唐摹古蝌蚪文翻國語便中秘校讎  
心最苦莫將不朽讓前賢覺羅滿昌從張霞城學科舉  
文字柳塘詩云本朝諸屬籍許從進士科最能便騎射  
亦不廢吟哦紅帶宗盟重青箱故事多異才生帝族此  
日賴磋商國初八旗人好學者多不爲閔子馬所哂  
北方學貴篤不以名爲傭詩文流傳者少爲可惜也  
趙蒙泉大令俞孫松坪讀學致彌張西友文學銘王賓

臣明經度李秋森文學聖芝侯鳳阿太學大年張漢瞻  
徵君雲章王服尹吉士晦有練川八子之目松坪句如  
籠禽有伴還相語野草無名各自花西友句如靜裏年  
華生草木兵餘身世付漁樵皆有致張損持序練音集  
謂服尹鳳阿爲疁城祭酒蒙泉松坪以同館訂交所惜  
翌思是選實未足盡各家之長道光間黃氏所刻嘉定  
詩鈔較完備

仲雍山人顧雪坡工書畫尤長于墨竹人比之前代夏  
仲昭朱白民其海粟詩鈔爲從子文甯所刊漫興云就  
飲花時豈待招流鶯聲裏過溪橋不知誰捲風簫線揉